

Ho Fetola Lipelo Nakong ea Bofelo



SABATHA MANTSIBOEA

Bakeng sa thuto ea Beke ena, Bala:

Mal. 4:5, 6; Matt. 11:14, 15; 17:10; 1 Marena 16:29–17:24; 1 Marena 18:20–45; Matt. 3:2.

Temana ea Khopolo:

“‘Bonang ke ea le romela moporofeta Elia, ho e-so ho tle letsatsi la Jehova, le leholo, le tšabehang. O tla busetsa lipelo tsa bo-ntate ho bara ba bona, le pelo tsa bara ho bo-ntat’a bona, hore ke se tšohe ke e-tla, ke ke otlafatše ka ho le timetsa’” (Malakia 4:5, 6).

Maphelo a rona a pheloa ka methati. Ka nako e ‘ngoe methati eo e tsamaea hantle; ka nako e ‘ngoe che. Ka nako e ‘ngoe malapa a kopane ‘me a matla; ka nako e ‘ngoe a boemong ba ho pshatleha, kapa ho bjaramana. Mothating o fe kapa o fe, boemong bo fe kapa bo fe ba rona kapa ba malapa a rona ka nako ena, re lokela le ho tlameha ho phela leseling le litšepiso tsa Milimo, re itšoarelle ka tsona ke lipolo tsa rona le meea ea rona eohle le matla a rona oohle hobane, qetellong, ke tsona feela tšepo ea rona. Empa ke tšepo e kholo ha ka kang. Lentsoe la Molimo le bontša litšepiso, litšepiso tseo, hore na mothati oa bophelo ba rona kapa ba malapa a rona ke o fe—re ka iphumanela tsona, le baratuo a rona, malapa a rona, le kereke ea rona. Bekeng ena ea ho qetela ea kotara, re tlo talima tse ling tsa lipale tsa Bibe, litšepiso, le maiphihlelo ho tsoa meelelong e fapaneng. Ha re ntse re etsa joalo, re tla leka ho fumana lithuto bakeng sa rona kajeno, ho sa natse na re boemong bo fe. Hobane, ho ka etsahala hore, seo u leng sona, hohle moo u leng teng, mothati oo bophelo ba hau bo leng ho oona, u na le mathata, matsoalo, matšoenyeho. Ka lehlohonolo, re khumamela Molimo ea sa tsebeng feela hore na re tobana le eng empa eo, re ka bang le bonnete, hore o sa nts’a le kapele ho tsona kaofela.

**Ithute thuto ea beke ena ho lokisetsa Sabatha sa la 29 Phuptjane.*

Boporofeta ba Lipelo tse Busetsoang

Bapisa boporofeta ba ho tla ha Elia le seo Testamenete e Ncha e se bolelang ka ketsahalo ena. Mal. 4:5, 6; Matt. 11:14, 15; 17:10; Mareka 6:15; Luka 1:17.

Matsatsing a Malakia, boipiletso ba Molimo ho sechaba, ““Khutlelang ho ‘na, ‘me ke tla khutlela ho lona,”” bo ile ba teana le karabo ena, ““Re khutle ho eng”” (Mal. 3:7). Moporofeta a phatlalatsa a tsielehile hore monyetla o mong oa tsosoloso o tla fanoa. Ha a hopola nchafatso e khutlisang lipelo e ileng ea qaloe ke Elia (1 Mareka 18:37), Malakia a porofeta ho tla ha hae hape ho ““busetsa lipelo tsa bo-ntate ho bara ba bona, le pelo tsa bara ho bo-ntat’a bona”” (Mal. 4:6). Tloaelo ea ba-Juda e ile ea bopa maikutlo a hore Elia o tla hlaha hape ka sebele sa hae e le selelekela sa Mesia (bapisa Matt. 17:10, Mareka 6:15). Leha ho le joalo, Testamente e Ncha e hlalaha Johanne Mokolobetsi e le eena phethahatso ea boporofeta boo (Matt. 11:14, 15; Luka 1:17).

U nahana poleloana ho “busetsa lipelo” e bolela’ng?

Temana tsena li ka tolokoa ka tsela tse ngata: E bua ka poelano ea sechaba sa Israele le Jehova. Molimo e le Ntate (Esa. 63:16) o khutlisitse bohale ba Oona ho bana ba Hae (Mikea 7:18, 19) ‘me o ba biletsa ho khutlela ho Eena (Esa. 44:22, Mal. 3:7). E supa poelano ea meloko e tlang hamoro le baholo ba bona ka nchafatso ea selekane. Pitso ea boporofeta ea hore sechaba sa Molimo se latele tumelo ea pateriareka e ne e fanoa e phetako Testamenteng ea Khale. Taba ea hore naha e tsoele pele e le bolulo bo hlohonolofetseng e ne e itšetlehile ka kotloloho le ho tšepahalla selekane (Deut. 4:29–31). E supa puseletso le nchafatso ea likamano tsa lelapa. Likamano tsa motsoali le ngoana ke tlhaloso e bonahalang ea botšepahi ho selekane sa Molimo. Mona, le teng, re bona phethahatso ea maikarabello a batsoali le bana a lohella hammoho le tsoelo pele ea bojalefa ba naha le tlhohonolofatso ea Molimo (Liprov. 2:21).

Kopano ke e fe pakeng tsa kamano e buseletitsoeng le Molimo le kamano e buseletitsoeng le malapa a rona? Hobaneng ha e ‘ngoe e lokela ho tla pele ho e ‘ngoe?

Poelano ea Lelapa

Ho tlisoa ha borapeli ba Baale Israele ke Jesebele, mosali oa mo-Sidone oa Morena Akabe, ho ile ha akofisa ho oela mekhoeng ha sechaba. Lithuto tsa Molimo tse neng li phahamisa lenyalo, lelapa, le likamano tsa thobalano li ile tsa siroa ke liketsahalo tse kang tsa thobalano pakeng tsa baamani, bootsoa, le liketso tse ling tsa bokhelohi tsa thobalano. Elia ke eena ea ileng a kena lesakaneng lena la khang holima borapeli, eo lebitso la hae ka sebele e leng “Jehova ke Molimo oa ka,” ‘me a khalema Baale.

Ke boiphihlelo bo fe ba Elia bo amahanngoang le ho ketola litumelo tsa bohedene le ho tlisa bophelo bo bocha ho malapa? 1 Marena 16:29–17:24; bapisa Luka 4:25, 26.

Elia e ne e le ‘mutla-kotloa-tsebe kamor’ a ho phatlalatsa kotlo ea komello naheng. Molimo o ile a mo sireletsa sebakeng se sa lebellehlang—tulong ea mohlolohali oa mofutsana oa Sarepta ea Sidone, haufi le motse oa habo Jesebele. Elia o ile a lumelisa mohlolohali ena ka teko e thata, ea ho sebelisa patsi ea hae, ole, le phofshoana tsa ho qetela, ho feepa eena e be o tšepela bokamoso ba hae ho Molimo. Tumelo ea hae e bile le botumo bo tsoellang. Hamorao Jesu a mo paka (Luka 4:26). Ha ole ea hae le phoofo e sa fele ka matsatsi a mangata, mosali a tleloa ke kutloisisa ea hore na Jehova ke mang. Eaba ka bomalimabe mora oa hae oa kula ‘me a shoa. Ha a hlalosa tšiamo ea hae ho Elia, o ile a bontša tumelo e tloaelehileng e mo potileng, litumelo tse khelohileng tse neng li se li aparetse Israele, tseo ho tsona sebe sa e mong se neng se nqosa sehlabelo sa ngoana (1 Marena 17:18; bapisa Jer. 19:5, Mikea 6:7).

Poelano ea mohlolohali eo oa mo-Phoenesia le mora oa hae e ile ea mo ama joang moeng? 1 Marena 17:24. Re ka ithuta eng lipolelong tsa hae?

Karabelo ea ‘m’e e bontša ka moo molaetsa oa Elia o mo ammeng kateng. Tumelo ho Molimo le ho Lentsoe la Hae e hlahella pelong ha, ka matla a Hae, bophelo bo buseletsoa ‘me lelapa le boelanngoa. Ba bangata kajeno ba ka ‘na ba lumela ha lithuto li rutoa, empa e be ba foofo boiphihlelong ba bona ba semoea. Lehahle ho le joalo, ha ba e-ba le boiphihlelo ba Lentsoe la Molimo ka sebele sa bona ‘me tsoholoso le puseletso li etsahala likamanong tsa lelapa, kholiseho e fihla ka matla a maholo pelong.

Ke poelano li fe tsa malapa tseo u ntseng u li lebelletse? Ke litšepiso li fe tsa Molimo tseo u itsoarelletseng ka tsona tse u fang tšepo ea poelano eo?

Ho Busetša Lipelo Aletareng

Balaa 1 Marena 18:20–45. Ngola meleng e ka tlase hore na hantle ketsahalo ena e bua ka eng. Leha moelelo o fapane ka botlalo, litšiea tse fumanehang paleng ee li ka sebetsa joang bophelong ba lelapa?

Holim'a Thaba ea Karmele, Elia o ne a laba-labela nchafatso ea selekane ho sechaba sa habo, hore ba boele tumelong ea bontat'a bona e neng e tla tlisa pholo maphelong a bona, malapeng a bona, le naheng ea bona. Nako ea sehlabelo sa mantsiboea. Kamor'a hore baprista ba bahedene ba hlolehe ka sehlabelo sa bona, Elia a nka sebaka sa hae. U ne a hlile a ikemiselitse. Nako ea letsatsi e ne e lebisa likelello leanong la Molimo la topollo le senotsoeng tšebeletsong ea sehalalelo (bapisa le Exod. 29:41). Memo, “‘Nkatameleng!’” (1 Marena 18:30) e re hopotsa Mopholosi ha a amohela baetsalibe (bapisa le Matt. 11:28). Batsoali ba utloisoang bohloko ke ngoana ea itaolang ba ka tiisetsoa hore Molimo o mo rata joalo feela ka ha a ne a rata Ba-Israele. Molimo o sebetsa o sa phetse ho tlisa ba itaolang ho Eena. Ho tsepama ha Elia aletareng ho fumana selekanang le hona nakong ea rona ha Jesu le mohau oa Hae o pholosang li phahamisoa ka malapeng. Khumamelo ea lelapa ke monyetla oa ho bua le Eena ka thapelo, ho buisana ka Eena, ho amohela bocha mpho ea Hae ea pholoho, le ho fa lipelo tsa rona nako ea ho thuisa lithuto tsa Hae. Karabo eo Elia a neng a e batla e ne e tla bontša hore Molimo o ba khutliselitse ho Eena. 1 Marena 18:37 e re, “ ‘sechaba sena se tle se tsebe . . . u boetse u khutlisitse lipelo tsa bona.’ ” Ha re ka ke re khutlisetsa lipelo tsa rona ho Molimo; re ka mpa ra arabela mohau oa Hae, 'me oona o fana ka ona feela.

Mollo o timetsang oa theoha, o sa thehele holim'a ba molato empa holim'a sehlabelo, o supa pele ho Jesu, ea ileng a etsoa “sebe ka baka la rona, re tle re beoe ka eena ba lokileng pel'a Molimo” (2 Ba-Kor. 5:21). Boipolelo le poko tsa phatloha ho tsoa melomong ea sechaba. Baprista ba bohata kahobane ba sa ka arabela pitso ea Molimo, ba bolaoa. Eaba lipula tse nchafatsang li felisa thohako e holima naha.

“Aletare ea lehae la hau e maemong a fe? U ka “aha bocha aletare” e lehaeng la hau joang, haeba e feela e hloka ho ahoa bocha?”

Ho Busetsa Lipelo Jordane

Hammoho le ho porofeta ha Gabariele (Luka 1:17) le ho pakahata ha Jesu hore ke eena Elia ea neng a porofetiloe (Matt. 11:14; 17:12, 13), lingoli tsa Evangeli li tiisa hore Johanne Mokolobetsi e ne e le “moromuoa” ea neng a tlo lokisa tsela ea Morena (Matt. 11:10, Mareka 1:2, Luka 7:27; bapisa le Mal. 3:1).

Tšoea ntlha-khoho ea molaetsa oa Johanne. Molaetsa oa hae e ne e le oa ho “busetsa lipelo” ka tsela e fe? Matt. 3:2, 8; 14:4; Mareka 1:4; Luka 3:3, 8, 9, 11, 13, 14.

Joalo ka schoai se lemanng sebataolo se lokise hore mobu o amohele peo, Johanne o ne a khalema sebe ‘me a khotaletsa batho ho baka. Botho bo bopehile ka tsela ea hore, kante ho boithlahlobo, kante ho tlhokomelo ea boemo ba ‘nete ba motho, ha ho utloahale ho na le tlhoko ea ho fetisang ka molemo. Molaetsa oa hae o ne u supisa batho khalalelo ea litaelo tsa Molimo le tlhoko ea bona ea khalalelo ea Hae e phethehileng. Pako ea ‘nete kamehla e tšoaoua ka boikokobetso le ho talima ho Molimo bakeng sa thuso ea ho fetola boitšoarō ba motho. Ka ho pepesa boikaketsi bo fokolang ba boichebo ba ba neng ba re Abrahamana ke ntat’a bona, o na a batla ho fana ka moelelo o tebileng oa tumelo ea bo-ntat’a bona.

Molaetsa oa Johanne Mokolobetsi o ne lokisa tsela ea Jesu joang? Johanne 1:35–37, 3:27–30.

Johanne o ne a bontšitsoe hore Jesu ke Konyana ea Molimo. Ha a tsebisa Jesu ka tsela ena (Johanne 1:29, 36), u ile a shebisa batho ho Molimo ka ho toba. Andraese le e mong oa barutuoa ba Johanne, Johanne, ea ngolileng Evangeli ea ileng a ngola tlahleho ea letsatsi leo, ba siea lehlakore la Mokolobetsi ‘me ba fetoha barutuoa ba Jesu. Molaetsa oa Elia ha o bue ka bohloki ba pako feela; o hloaea le ea pholosang sebeng, o tliša thahasello ho Eena, o tsebisa batho ka Eena.

Haeba Johanne Mokolobetsi a ne a kena tlung ea hau, u nahana u ne a tla re’ng ho uena?

Ho Busetša Lipelo Matsatsing a ho Qetela

Ka tsela e itseng, rona re le Baletē re ipona re etsa mosebetsi oa Johanne Mokolobetsi. Phala ea nchafatso e ne e batla ho lokisa tsela bakeng sa ho tla ha pele ha Jesu; rona, re le sehlopha, re ipona re etsa mosebetsi o tšoanang bakeng sa ho Tla ha Bobeli.

Bala ka thapelo Luka 1:17. Mantsoe aa a fupere molaetsa oa rona joang?

Ntate ea maholimong o buselitse lipelo tsa bana ba Hae ho Eena hape a busetša lipelo tsa bana ba Hae e mong ho e mong ka Sepafano sa Krete. Molaetsa oa Elia o qeka malapa hore a lumele litaba tsena tse molemo tse hlollang (2 Ba-Kor. 5:18–21; Bapisa le Ba-Ef. 2:11–18) le hore re be batho ba tletseng ka mohau ha Moea oa Hae o ba hlahisetsa kotulo ea lerato.

Lefatše le maqakabetsing a bohloki ba pontšo ea tsotello e se nang bo-'na, boitlamo ba nako e telele, boinehelo bo sa sisinyeheng ho Molimo. Ka mohau oa Molimo malapa a Bakreste a ka fana ka pontšo e joalo. Feela, re lokela ho hopola hore molaetsa oo re o tšoaretseng lefatše le rona e ntse e le oa rona. Ho fihlela litšiea tsa evangeli, bonngoe, lerato, ho iketsa sehlabelo li bonahalitsoe har'a rona, haholo malapeng a rona, re tla hloka matla a ho arolelana molaetsa ona le ba bang. Lithero tsohle tse fanoeng ka bokheleke, litlhophiso tsohle le lithuto tsa Bibe, ha lia lekana: lefatše le hloka ho bona maphelong a rona, haholo maphelong a malapa a rona, pako, lipelo tse fetohileng, lerato, le boitlamo tseo re rutang ka tsona. Joalo feela ka ha Johanne Mokolobetsi a ne a na le matla a neng a fetola maphelo 'me a etsa hore lithuto tsa hae li atlehe, re ka etsa se tšoanang ka mohau oa Molimo, empa ho fihlela feela boemong boo re batlang ho ikamahanya.

Ka Jesu, re karolo ea lelapa la leholimo (Ba-Ef. 3:15). Ka mokhoa o joalo, e ka ba re lelapa la motho a le mong kapa ba bangata, re bilelitsoe ho ba lipaki tsa Molimo eo re reng rea mo sebeletsa, 'me ha ho na ntho e ka atlehisang bopaki ba rona ho feta ho bontša lefatše seo lelapa, ho sa natse boholo ba lona, e ka bang sona ka matla a evangeli.

U ka etsa eng, ka tsela e khethehileng, ho bontša ba haufi le uena ka ho fetisisa, e ka ba lelapa la hau kapa motho e mong osele, hore oa ba rata ebile oa ba tsotella?

Khopolo e Eketsehileng:

Ellen G. White, “Carmel,” maq. 143–154, ho *Prophets and Kings*; “The Voice in the Wilderness,” maq. 97–108, ho *The Desire of Ages*. “Molaetsa oa rona o lokela ho topa joalo ka oa Johanne. O ne a khalema marena ka lebaka la makhopo a oona. Le hara tlokotsi eo bophelo ba hae bo neng bo le ka hare ho eona, o ne a sa lumelle ‘nete ho phutsa molomong oa hae. Mosebetsi oa rona mongoaheng ona o lokela ho etsoa ka botšepahi bo joalo.”—Ellen G. White Comments, *The SDA Bible Commentary*, vol. 4, leq. 1184.

Lipotso tsa Puisano:

1. Le le sehlopha, buisanang ka ho lokeleha ha molaetsa oa Elia bakeng sa kereke ea lona ea lehae. Le ka etsa eng ho thusa kereke ea lona ho utloisisa molaetsa oo le mosebetsi oa eona ho thusa ho o hasa?
2. Ha ba boithatelo bo botle ba arolelane le sehlopha ka maiphihlelo a bona a hoba le “lipelo tse buselitsoeng.” Ho ile ha tla liphetoho li fe? Boiphihlelo boo bo ile ba tlisa le phetoho e fe maphelong a bona le maphelong a malapa a bona?
3. Haeba re ipona mosebetsing oa Johanne Mokolobetsi, re ka lebella hore ho tla etsahala eng ka rona? Molaetsa o potetseng ke o fe karabong eo?
4. Le le sehlopha, sebetsang holim’a serapa, mokhoa oa “Phatlalatso ea Litšiea tsa Lelapa,” e ka akaretsang ka tsela e tsoang pele seo lelapa le leng sona ho latela Bible. Le ka sebelisa maqheka a fe ho rala litšiea tseo? U ithutile eng kotareng ee e ka ‘nang eaba e u thusitse ho fumana na litšiea tseo e ka ba li fe? Itokisetse ho arolelana le kereke kaofela.
5. Joalo ka motsoali, u ka kopa litšepiso li fe bakeng sa bana bao, bonyane mothating ona, ba balehileng ho Morena?